

書名 杜氏通典二百卷 嘉靖十八年西樵方獻夫刊本

撰者 唐 杜佑 撰，明 王德益、吳鵬 同校

卷 卷六十一

內容分類 史·政書·歷代通制

索書號 貴重-17

編號 B3510400

卷六十一



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

太樂署 鼓吹署 太醫署 太卜 太卜署 太卜署 太醫署

光祿卿 丞良醞署主簿 掌醢署 太官署 珍羞署

衛尉卿 丞守宮署主簿 武庫署 武器署 左右都候

宗正卿 丞諸陵署主簿 太廟署 崇玄署

太僕卿 丞典牧署主簿 乘黃署 諸牧監 典廐署

大理卿 正司直丞評事監 車府署 獄丞

諸卿附 少卿

甥雖則無服既稱從母何得為婚又母與堂姨本是
大功之服大功之上禮實同財况九月為服親亦至
矣子而不予辱以為妻名教所悲人倫是棄且堂姑
堂姨內外之族雖別而父黨母黨骨肉之恩是同愛
敬本自天性禽獸亦猶知母豈可令母之堂妹降以
為妻從母之名將何所寄古人正名遠別後代違道
任意恐凌以成俗然外屬無服而尊卑不可為婚者
非止一條請付群官詳議永為後法左衛大將軍紀
王慎等議父之姨及堂姨母之姑舅姊妹堂甥並外
姻無服請不為婚詔可

杜氏通典卷第六十終

杜氏通典卷第六十一

禮三十一嘉六
沿革二十一

君臣服章制度

袍附 黃帝 唐堯 虞舜
夏 殷 周 秦
後漢 魏 晉 宋 齊
梁 陳 後周 隋 大 唐

上古穴處衣毛未有制度後代以麻易之先知為上
以制其衣後知為下復制其裳衣裳始備黃帝堯舜
垂衣裳蓋取諸乾坤故衣玄而裳黃旁觀翬翟草木
之華乃染五色始為文章以表貴賤而天下理虞書
曰予欲觀古人之象日月星辰山龍華蟲作績宗彝
藻火粉米黼黻絺繡備十二章玄衣繡裳上六章在
衣下六章在裳上畫
繡夏殷之代相襲無變周官司服掌王之吉凶衣服



大裘以祀天大裘羔裘祀天示質也衮冕服享先

王升日月於旗服備九章一曰龍二曰山三曰華

米八曰黼九曰黻皆繡以爲繡鷩冕服享先公鷩畫虎也其衣

謂華蟲也其衣三毳冕服祀四望山川毳畫虎也其衣

三章裳四章凡七絺冕服祭社稷五祀絺刺粉米無

也唯音維癸反凡三 玄冕服祭群小祀其衣無文裳刺繡而已

兵事韋弁服以韎韋爲弁又以爲衣裳春秋凡甸

皮弁服視外內朝之事其服十二升白布衣積凡甸

冠弁服緇布衣亦積素以爲裳司裘仲秋獻良裘

良善也仲秋鳥獸毛毼因其良時而用之仲秋所獻

善裘者爲八月誓獮田所用故獻之鄭司農云良裘

而下如王之服侯伯之服自鷩冕而下如公之服子

男之服自毳冕而下如侯伯之服孤之服自絺冕而

下如子男之服卿大夫之服自玄冕而下如孤之服

士之服自皮弁而下如大夫之服其齋服有玄端素

端自公之衮冕至卿大夫之玄冕皆其朝聘天子及

立助祭之服諸侯非二王後其餘皆玄冕而祭於已

雜記曰大夫冕而祭於公弁而祭於已士弁而祭於

公冠而祭於已大夫爵弁自祭家廟唯孤爾其餘皆

玄冠與士同玄冠自祭秦制水德服尚衿玄衿音後

漢光武踐祚始修郊祀天子冕服從歐陽氏說三公

九卿特進侯朝侯侍祠侯從夏侯氏說祀天地明堂

皆冠旒冕衣裳皆玄上纁下一服而已明帝永平中

議乘輿備文日月十二章刺繡文東觀書曰永平二

南北郊東平王蒼議曰高皇帝始受命創業制長冠以入宗廟光武受命與建明堂立辟雍陛下以聖明奉遵以禮服龍袞祭五帝禮缺樂崩久無祭天地冕服之制接尊事神繁齋盛服敬之至也日月星辰山龍華藻天王袞冕十有二旒以三公諸侯用山龍則天數旂有龍章日月以備其文三公諸侯用山龍九章九卿以下用華蟲七章皆備五采大佩赤舄約履以承大祭百官執事者冠長冠皆祗服五嶽四瀆山川宗廟社稷諸沾秩祠皆約玄服絳緣領袖為中衣絳袴鞮示其赤心奉神也其五郊迎氣衣幘袴襪各如方色云百官不執事者各服長冠約玄以從大射禮於辟雍公卿諸侯大夫行禮者冠委貌衣玄端素裳鄭玄曰端者取其正也執事者冠布弁衣緇麻衣阜領袖下素裳若冠通天冠服深衣制有袍隨五

時色梁劉昭曰袍者或曰問公袍成王嘗居故地袍袍者也今下至賤吏小史皆通制云魏氏多因漢法其袍單本阜緣領袖中衣為朝服云魏氏多因漢法其所捐益之制無聞後漢志孝明皇帝永平三年詔從歐陽夏侯二家所說制冕服乘輿刺繡文公卿以下織成文據晉志云魏明帝以公卿袞袞冕之飾擬於至尊多所減損始制服刺繡公卿織成然未詳孰是晉因不改大祭祀衣阜上絳下前三幅後

四幅衣畫而裳繡日月星辰凡十二章素帶廣四寸朱裏以朱緣裨飾其側中衣以絳緣領袖赤皮為鞞絳袴襪赤舄未加元服則阜紗袍絳緣中衣絳袴襪黑舄又朝服通天冠絳紗袍阜緣中衣拜陵則箋單衣雜服有青赤黃白黑五色紗袍其武弁素服單衣公卿助祭郊廟王公山龍以下九章卿華蟲以下七

章其緇布冠衣黑而裳素中衣以阜綠領袖袴褶之制未詳所起近代車駕親戎中外戒嚴服之無定色冠黑帽綴黑標以繒爲之長四尺廣一寸腰有絡帶以代鞶革中官紫標外官絳標又有纂嚴戎服而不綴標行留文武悉同宋因之制平天冕服不易舊法更名鞞曰蔽膝其未加元服釋奠先聖視朝拜陵等服及雜色紗裙武冠素服並沿舊不改王公助祭郊廟章服降殺亦如之其冠委貌者衣黑而裳素中衣以阜領袖玄冠革弁絳革戎衣復依漢法袴褶因晉不易腰有絡帶以代鞶革中官紫標外官絳標又有纂嚴戎服而不綴標行留文武悉同其畝獵巡幸則唯

從官戎服帶鞶革文帝元嘉中巡幸蒐狩救廟水火皆如之明帝泰始四年詔曰車服之飾象數是遵故盛皇留範列聖聖制服近改定今修成六服沿時變禮所施之事各有條叙便可載之典章朕以大冕純玉纁玄衣黃裳祀天宗明堂又以法冕玄衣絳裳祭太廟元正大會朝諸侯又以飾冕紫衣紅裳小會宴饗送諸侯臨軒會王公又以繡冕朱衣裳征伐講武校獵又以紘冕青衣裳耕稼饗國子又以通天冠朱紗袍爲聽政之服泰始六年正月有司奏被勅皇太子正冬朝賀合著衮冕九章不儀曹郎丘仲起議按周禮公自衮冕以下鄭注衮冕以至卿大夫之玄冕

皆其朝聘天子之服也伏尋古之上公尚得服之皇
太子以倅副之尊率士瞻仰愚謂宜式遵盛典服衮
九章以朝賀詔可齊因制平天冠服不易舊法郊廟
臨朝所服也舊衮服用織成建武中明帝以織太重
乃采畫爲之加金飾銀薄時亦謂爲天衣通天冠服
絳紗袍阜緣中衣乘輿臨朝所服臣下皆同拜陵則
黑介幘服無定色舉哀臨喪白怡單衣亦謂之素服
王公助祭平冕服山龍以下九章卿七章皆畫阜絳
繒爲之袴褶相因不改梁因制平天冠服水畫而裳
繡十二章素帶朱裏以朱緣裨飾其側更名赤皮敷
爲鞞或云鞞之名餘同舊法又有通天冠服絳紗袍

阜緣中衣黑舄是爲朝服元正朔漢書禮書遠儲更出所服
也其釋奠先聖則阜紗袍絳緣中衣絳袴襪黑舄拜
陵則箋布單衣又有白怡單衣以代古之疑練天監
三年何佟之議公卿以祭服裏有中衣即今中單也
後漢從夏侯氏說祭服絳緣領袖爲中絳袴襪示其赤
心奉神也今中衣絳緣足有所明無俟於袴旣非聖
法謂不可施遂依議除之周舍議按禮有虞氏皇而
祭深衣而養老鄭玄云皇是畫鳳皇羽也又按禮如
衮冕則衮是衣有虞氏言皇皇亦是衣非冕今衮服
宜畫鳳皇以示差降又王僧崇云尋冕服無鳳應改
爲翟又裳有圓花於禮無碍是畫飭加葩蔕耳蔕音美

不許複製

NOT TO BE REPRODUCED

東京大学東洋文化研究所

反藻米黼黻並乖古制今請改正并去圓花帝曰古日月星辰此以一辰攝三物也山龍華蟲又以一山攝三物也藻火粉米又以一藻攝三物也是爲九章今衮服畫龍則宜畫鳳孔安國云華者花也則爲花非疑若一向畫翟差降之文復將安寄帝又曰禮王祀昊天服大裘而冕大裘不存其於質敬恐未有盡五經博士陸瑋等並云王祀昊天服大裘明諸臣禮不得同自魏以來皆用衮服今請依古更制大裘詔可瑋等又按鄭玄注司服云大裘羔裘也旣無所出未爲可據按六冕之服皆玄上纁下今宜以繒爲之其制式如裘其裳以纁皆無文繡詔可又制黑幘單

水宴會服之九年司馬筠議云按玉藻諸侯玄冕以祭裨冕以朝雜記又云大夫冕而祭於公弁而祭於已今之尚書上異公侯下非卿士止有朝衣本無冕服旣從齋祭不容同於在朝宜依太常及博士諸齋官例著白衣絳襪中單竹葉冠陳因之永定元年武帝即位徐陵曰乘輿御服皆採梁制帝曰今天下初定務從節儉應用繡織成者並可采畫至文帝天嘉初悉改易之其皇太子絳紗袍皁領白紗中衣白帶大小會祠廟朔望五日還朝皆朝服常還上宮則朱服若釋奠及朝絳緣中單絳袴襪玄烏侍衺衣九章白紗絳緣中單絳繒鞞赤烏絳襪皇太子舊有五

時朝服自梁天監之後則朱服諸王朝服朱衣絳紗袍阜緣中衣素帶黑舄若加餘官則服其加官之服開國公侯伯子男並朝服紗朱衣若助祭郊廟皆衮玄上纁下山龍以下九章備五采大佩赤舄絢履餘文武朝服武賁中郎將羽林監絳紗縠單衣州刺史絳朝服直閣將軍諸殿主帥朱衣正直絳衫從則兩襜衫太子衛率率更令丞阜朝服殿中將軍諸員外將軍州郡都尉司馬中通事舍人太子通事等並朱服玄衣赤幘袴褶太子二傅所服武冠絳構殿前威儀武賁散給使閣將鼓吹士師副太子鹵簿戟吏所服後周設司服之官掌皇帝十二服祀昊天上帝則

蒼衣五方上帝各隨方色朝日用青衣祭皇地祇用黃衣夕月用素衣神州社稷用玄衣享先皇加元服納后朝諸侯則十二章享諸先帝食三老五更耕籍等自龍以下九章祀星辰視朝大射饗群臣等八章群祀臨太學入道法門燕射養庶老適諸侯家七章其九章以下衣重衮山鷲裳重黼黻俱十有二等通以升龍爲領標巡兵節戎則韎韐爲衣裳田獵則皮弁白布衣而素裳也諸公之服九章服之章數隨冕而降其一其八章以下衣重藻粉米裳重黼黻俱九等皆以山爲領標諸侯服八章而下俱八等皆以華蟲爲領標諸伯皆七章而下俱七等以火爲領標諸

子服六章俱六等皆以宗彝為領標諸男服五章皆以藻為領標三公之服有九章有六衣重藻與粉米裳重黼黻俱為九等皆以宗彝為領標三孤之服有八章有五衣重藻與粉米裳重黼黻為八等公卿服有七章有四衣重粉米裳重黼黻為七等皆以粉米為領標大夫之服有六章有三衣重粉米裳重黼黻為六等中大夫之服有五章有三衣重粉米為五等下大夫服有四章有三衣重粉米為四等士則祀弁爵弁玄冠服皆玄衣其裳上士以玄中士以黃下士雜裳謂前玄後黃庶士玄冠服其在官府史之屬服緇衣裳隋文帝即位將改後周制度乃下詔曰宣尼制法損

益可知朕受天命赤雀來儀五德相生並宜火色其郊丘廟社可依衮冕之儀朝會衣裳宜盡用赤昔丹鳥水運周有大帛之旂黃星土德曹乘黑首之馬在祀與戎其尚恒異今之戎服皆可尚黃在外所著通緇色祭祀之服須合禮經宜集通儒更可詳議太子庶子攝太常少卿裝正奏後周制冕並無典故今採東齊之法乘輿衮冕垂白珠十有二旒以組為纓色如其綬黻纁克耳玉笄玄衣纁裳衣山龍華蟲火宗彝五章裳藻粉米黼黻四章衣重宗彝裳重黼黻為十二等衣襟領織成升龍白紗內單黼黻領青襟襪裙革帶玉鈎王列大帶素帶朱裏紕其外上以

朱下以綠鞞隨裳色山龍火三章轆轤玉具劔火珠
鏢首白玉雙珮玄組雙大綬六絲玄黃赤白縹綠純
玄質長二丈四尺五百首廣一尺小雙綬長二尺六
寸色同大綬而首半之間施三玉環朱鞞赤舄舄加
金飾祀圓立方澤感帝明堂五郊零禘封禪朝日夕
月宗廟社稷籍田遣上將征還飲至加元服納后正
月受朝及臨軒拜王公則服之通天冠加金博山附
蟬十二首施珠翠黑介幘王替導絳紗袍深衣制白
紗內單阜領襍襪絳紗蔽膝白假帶方心曲領其
革帶劔佩綬舄與上同若未加元服則雙童髻空頂
黑介幘雙玉導加寶飾朔日受朝元會及冬會諸祭

還則服之武弁金附蟬平巾幘餘服講武出征四時

蒐狩大射禡類宜社賞祖罰社纂嚴則服之黑介幘

白紗單衣烏皮履拜陵則服之白紗帽白練裙襦烏

皮履視朝聽訟及宴見賓客皆服之白恰白紗單衣

烏皮履舉哀則服之皇太子衮服玄衣纁裳衣山龍

華蟲火宗彝五章裳藻粉米黼黻四章織成爲之白

紗內單黼領青襍襪裙革帶金鈎鮓大帶素帶不朱

裏亦紕以朱綠鞞隨裳色火山二章玉具劔火珠鏢

首瑜玉雙佩朱組雙大綬四絲赤白縹緋純朱質長

丈八尺三百二十首廣九寸小雙綬長二尺六寸色

同大綬而首半之間施二玉環朱襪赤舄以金飾侍

從皇帝祭祀及謁廟加元服納妃則服之遠遊冠服
絳紗袍白紗內單阜領襍襪裾白假帶方心曲領絳
紗蔽膝鞵舄其革帶劔佩綬與上同謁廟還宮元日
朔日入廟釋奠則服之遠遊冠公服絳紗單衣革帶
金鈎鯨假帶方心紛長六尺四寸廣二寸四分色同
其綬金縷鞶囊鞵履五日常朝則服之衮冕服九章
同皇太子王公開國公初受冊執贄入朝祭祀親迎
則服之三公助祭者亦服之鷩冕服七章衣華蟲火
宗彝三章裳藻粉米黼黻四章侯伯初受冊執贄入
朝祭祀親迎則服之毳冕服五章衣宗彝藻粉米三
章裳黼黻二章子男初受冊執贄入朝祭祀親迎則

服之絺冕服三章正三品以下從五品以上助祭則

服之自王公以下服章皆繡為之祭服冕皆簪導青

纁充耳玄衣纁裳白紗內單黼領絺冕以下青襍襪

裾革帶鈎鯨大帶王三公及公侯伯子男素帶不朱

品以下從五品以上素帶絳其外上以朱下以綠正三

垂外以玄內以黃約皆用青組朱鞞凡鞞皆隨裳色

一章絺山劔佩綬鞵赤舄爵弁服從九品以上助祭則

服之其制服玄衣纁裳無章白絹內單青領襍襪裾

革帶大帶練帶絳其垂內外爵鞵鞵赤履白恰白紗

單衣烏皮履上下通服之委貌冠未冠則雙童髻空

頂黑介幘皆深衣青領烏皮履國子太學四門生服

之朝服亦名服絳紗單衣白紗內單阜領袖阜襪革帶

鈎鯨假帶曲領方心絳紗蔽膝鞮舄綬劔珮從五品以上陪祭朝饗拜表凡大事則服之六品以下從七

品以上去劔珮綬餘並同自餘公事皆從公服從亦名

服絳紗單衣革帶鈎帶方心鞮履紛鞶囊從五

品以上服之絳繡衣公服繡衣即單衣不垂胡者也袖狹形直如繡內餘同從

也皆流外五品以上服之左右衛左右武衛左右武候

大將軍領左右大將軍並武弁絳朝服劔珮綬侍從

則平巾幘紫衫大口袴褶左右衛左右武衛左右武

候將軍領左右將軍左右監門衛將軍太子左右衛

左右宗衛左右內率等左右監門郎將及諸副率並

武弁絳朝服劔珮綬侍從則平巾幘紫衫大口袴直

閣將軍直寢直齋太子直閣武弁絳朝服劔珮綬侍

從則平巾幘絳衫大口袴大唐制天子衣服有大裘

衮冕鷩冕毳冕繡冕玄冕通天冠武弁黑介幘白紗

帽平巾幘白恰凡十二等貞觀四年制三品以上服

紫四品五品以上服緋六品七品以上綠八品九品

以上青婦人從夫之色仍通服黃至五年七月勅七

品以上服龜甲雙巨十花綾其色綠九品以上服絲

布及雜小綾其色青黼慶元年修禮官臣無忌志寧

敬宗等言准武德初撰衣服今乘輿祀天地服大裘

冕無旒臣勘前件令是武德初撰雖憑周禮理極未

安謹按郊特牲云周之始郊日以至被衮以象夫戴



冕藻十有二旒則天數也而此二理俱說周郊與衮
大裘事乃有異按月令孟冬天子始裘明以禦寒理
非當暑若啓蟄祈穀冬至報天行事服裘義歸通久
至於秋夏迎氣龍見而雩炎熾方盛如何可服謹尋
歷代唯服衮章與郊特牲義旨相協周遷輿服志云
漢明帝永平二年詔採周官禮記始制祀天地服唯
天子備十二章沈約宋書志云魏晉郊天亦皆服衮
宋魏周齊隋禮令祭服悉同斯則百王通典炎涼無
妨復與禮經事無乖舛今請憲章故實郊祭天地皆
服衮冕其大裘請停仍改禮令又檢新禮皇帝祭社
稷黼冕四旒衣三章祭日月服玄冕三旒衣無章謹

按令文是四品五品之服此三公亞獻皆服衮衣孤
卿助祭服毳及鷩斯乃乘輿章數同於大夫君少臣
多殊爲不可據周禮云祀昊天上帝則服大裘冕五
帝亦如之享先王則衮冕享先公則鷩冕祀四望山
川則毳冕祭社稷五祀則絺冕諸小祠則玄冕又云
諸侯伯子男孤卿大夫之服衮冕以下皆如王之服
所以三禮義宗遂有二釋一云公卿大夫助祭之日
所著之服降王一等又云悉與王同求其折衷俱未
通允但名位不同禮亦異數天子以十二爲節義在
法天豈有四旒三章翻爲御服若諸臣助祭冕與王
同便是貴賤無分君臣不別如其降王一等則王著

玄冕之時群臣次服爵弁既屈天子又貶公卿周禮
此文久不施用是故漢魏以降相承舊事皆服衮冕
今新禮親祭日月乃服五品之服臨事施行極不穩
便請學歷代故實諸祭並用衮冕制可之無忌等又
奏曰皇帝為諸臣及五服親舉哀依禮著素服今令
乃云白恰禮令乖舛須歸一途且白恰出自近代事
非稽古雖著令文不可行用請改素服以會禮文從
之龍朔二年九月孫茂道奏准舊令八品九品著青
深青亂紫非卑品所服望請著碧朝參之處並依此
服非朝參處聽兼服黃從之前令九品以上朝參及
視事聽服黃以洛陽縣
尉柳誕服黃夜行為部人所設高宗聞之以章服武
錯亂故此詔申明之朝參行制一切不得著黃武

太后延載元年五月內出繡袍以賜文武三品以上

官其袍文仍各有訓識諸王則飾以盤石及鹿宰相

麟左右武衛飾以對牛左右武衛飾以對鷹左右

千牛衛飾以對鶴左右監門衛飾以對獅子左右金吾衛

飾以對豸又銘其襟皆以襟背各為八字迴文其詞

曰忠正真直崇慶職文昌翊政勳彰陟慶申龍二

懿仲順彰義忠慎光廉正躬奉謙感志勇而龍二

年九月勅停京六品以下着緋袴褶令各依本品為

定開元四年二月制軍將在陣賞借緋紫本是從戎

鞅騰之服一得之後遂別造長袍遮相倣倣又入蕃

使別勅借緋紫者使迴合停自今以後衙內宜專定
殿中侍御史糾察十一年六月勅諸衛大將軍中軍
中郎即將袍文千牛衛瑞牛文左右衛瑞馬文驍衛

大蟲文武衛鷹文威衛豹文領軍衛白澤文金吾衛
辟邪文監門衛師子文每正冬陳設朝日著甲會日
著袍二十六年肅宗爲皇太子受冊太常所撰儀注
有服絳紗袍之文太子以爲與皇帝所稱同上表辭
不敢當請有以易之上令百官詳議尚書左丞相裴
耀卿太子太師蕭嵩等奏曰謹按衣服令皇太子具
服有遠遊冠三梁加金附蟬九首施珠翠黑介幘髮
纓綏犀簪導絳紗袍白紗中單阜領標襪白裙襦方
心曲領絳紗蔽膝華帶劔珮綬等謁廟還宮元日冬
至朔日入朝釋奠則服之其絳紗袍則是冠衣之內
一物之數與裙襦劔珮等無別至於貴賤之差尊卑
之異則冠爲首飾名制有殊并珠旒及裳采章之數
多少有別自外不可事事差異亦有上下通服名制
是同禮重則具服禮輕則從省今以至敬之情有所
不敢衣服不可減省謂須更變名望所撰儀注不以
絳紗袍爲稱但稱爲具服則尊卑有差謙光成德議
奏上手勅改爲朱明服下所司行用焉其三品以上
服犴武德四年勅大科綉綾及羅其色紫飾用玉五
品以上服小科綉綾及羅其色朱飾用金六品以上
服絲布雜小綾交梭及雙紉其色黃六品七品飾銀
八品九品鍮石流外庶人服綉綾純布其色通用黃
白飾用銅鐵貞元七年十一月令常參官服衣綾袍

金玉帶至八年十月賜文武常於官大綾袍

杜氏通典卷第六十一終

禮三十一 嘉七 沈嘉二十二

后妃命婦首飾制度 后妃命婦服章制度

后妃命婦首飾制度

北齊 後周 隋 大唐

周制追師掌王后之首服為副編次追衡笄為九嬪

及外內命婦之首服以待祭祀賓客

之首服鄭玄謂副之言覆所以覆首為之飾其遺象
若今安提矣服之以從王祭祀編編列髮為之其遺
象若今假紒矣服之以見王王后之燕居亦繩笄總而巳
謂髮髻也服之以見王王后之燕居亦繩笄總而巳
追猶治也詩云追琢其章王后之衡笄皆以玉為之
唯祭服有衡垂于副之兩旁當耳其下以純懸瑱詩
云髮髮如雲不脣鬢也王之瑱也是也笄卷髮者外
內命婦衣鞠衣禮衣者服編衣祿衣者服次追音維

通典卷六十一